

銅鼓書常遺稟

銅鼓書堂遺稿卷十一

宛平 查禮 恂叔

癸酉

桂林元日

一堂和氣樂平安元日逢春雨色寒是日立春宦後鄉園多夢

寐眼前兒女小團圓殷勤奉命昭潭役是時方卸平樂守事

人往復投銜桂嶺官問獄歸來燈已上是日會勘旋教煖

酒列辛盤

余因檄勘偽稟案畱桂林月餘旋有權知宜州之

委畱別同人

桂林度歲太忙案牘紛陳子細商春色二分何處好漫

教騎馬理行裝

梅花落盡客難留  
林叫鉤輶去路幽  
同是青山環綠水  
昭州三月又宜州

正月大盡日發桂林

春來一月雨今日  
喜初晴繞郭尋詩  
處羣峯送客行  
松棚翁賣酒山店  
女調羹林下停車  
坐溪雲冉冉生

臨桂道上懷葛搢書上舍

夕陽影在山松聲  
響夾路春風隨地  
生無心雲自吐卽  
景懷遠人孤蹤泊  
何處歲月去悠悠  
離懷竟誰訴中道  
暫踟躕不覺天已  
暮隻候火光迎又  
歷蘇橋渡

過永福舟中作

磊磊鳳凰山山壓  
江城小汨汨響灘  
聲扁舟輕似鳥放  
溜任所之雲山空  
杳渺

曉發六塘至小槽遇雨

草色青天際空濛雲氣浮曉山連柳郡春雨入宜州地瘠

開新壟

時報壟小槽荒地

江深漾碧流

至此渡龍江

郵亭叢樹外駐馬

聽鳴鳩

謁龍溪宋黃文節公廢祠

南山北山峙翠屏日峯月峯終古青宜州城西土閒曠龍  
溪水色清泠泠溪上有祠祀山谷墻傾榱折無完屋我來  
駐馬薦溪毛滿地蒼涼慘心目酹公一爵公應知哀哀杜  
宇號春枝紫苔碧蘚瘞斷礎枯榛亂篠敲殘碑刺史張公  
溯遺愛輸錢建祠志乘載創始規模無復存千年剩有荒  
基在祭田零落豪家侵墨池蕪沒猶堪尋里人咨嗟話顛  
末未竟已覺沾衣襟憶昔公爲元祐史直書辨諍誰其似

佞史之稱乃妄加左丞默順荆公旨羣小糾紛紹聖朝追  
仇元祐恣信詔拘畿縣枉劾罪黨籍芳名炳斗杓遷謫  
天南到蠻府黃茅瘴重炎蒸苦公獨安居意泰然南樓講  
學觀如堵及今文教傳遐方駸駸士子景慕長摳衣瞻拜  
叢祠下欲去未去爲徬徨天風薄暮吹飄忽飢飈竄空歸  
鳥沒寂寞巫絃久不聞沈沈暝色昏林樾

重修龍溪黃文節公祠

崇賢爲首政興廢弔羈棲捐俸緣文節鳩工任庶黎涪翁  
隱豹霧山谷著龍溪從此尋遺蹟無愁複嶂迷

獐錦

紫作團花綠作闌彩絨色色勝湘紈瘴鄉歲貢忻城錦  
土縣呈來六尺寬

萬字廻環雅絕倫  
堆梅花樣近翻新  
誰憐竹舍欄房下  
寒夜停梭有麗人

上巳書懷

懶詠春宵修禊詩  
獨居蠻府起遲遲  
平生無限傷心事  
怕過清明上巳時

絕  
施竹田上舍遠寄耿機絹一匹索余畫梅附題二

素絲寄我不勝衣  
皎皎微綃自古稀  
較量獨梭新織好  
宓家機讓耿家機

唐絹粗宋澄心堂絹細若紙摩之如玉六尺潤者曰獨梭元絹有獨梭者與宋絹相

似又宓家機絹亦妙

西溪梅發白茫茫  
半在山旁半水旁  
最是孤標多逸致  
春光一片冷斜陽

暮春慶遠郡齋卽事

蠻府愁炎熱春深濕氣濃空階生苜蓿敗壁走蜈蚣日落  
庭前樹雲飛屋後峯夜來小雨過翦燭聽惺忪

宜州雜詩

宜州古郡控蠻夷繞郭青青山色垂訟少官閒尋故事南  
樓無復范滂碑

射圃西偏藕蕩東柳絲深處雨濛濛此間不種閒花草半  
畝青芹一畝蔥

白龍巖洞北山阿歷代摩崖題句多日夕籌邊樓上望隔  
江層嶂碧嵯峨

江聲東走鯉龍灘晝夜驚濤沸石端廣右三江多險阻宜  
州一水更稱難

西竺寺前榕葉濃老僧禪屋倚雲峯一春遊屐常相過載酒閒聽早晚鐘

雙井老人遺教長丹霞殘碣記烝嘗叢祠幾廢龍池上千古文章詎可忘

城南山水足幽棲紅稻花香風雨迷古樹修篁深谷裏杜鵑啼罷鷓鴣啼

小槽墜戶報三年跨礪騰山引碧泉若得洛濱溪水到荒原萬頃變良田

環山村落盡梯耕獐與貉無別計生每隔三年齊上市郡城亦有趁虛聲

麻陽船小可通津懷遠

鎮名西

居民半不貧瘴癘漸消生聚

廣楚南人雜粵東人



余權慶遠四月膺阿制軍李撫軍調任山西定撫  
軍三公之薦行將理裝入 觀畱別郡人竝黃公

祠二首

四月光陰一瞬間愧無政事便須還郡齋山色青如許山  
不畱人我憶山

山谷祠堂舊可垂誰能移卻峴山碑黃梅雨急黃柑小空  
想當年味諫時

舟發桂林

江聲山色入新秋書畫裝輕櫓力柔萬里歸人從此始逍  
遙樓外水雲舟

登岳陽樓

洞庭水岳陽樓樓高水闊客繫舟登樓且誦古人句氣蒸

波撼乾坤浮

孝感道中

樹連村舍雲當戶花覆山岡草壓塘一騎行來三十里不知董永住何鄉

遂平縣

汝上荒城闊蒼茫倚夕陽地臨房子國俗隔楚人鄉月色經秋白砧聲入夜長谿舂山影淡雁響欲飛霜

喜晤沽上諸人

五年浪跡粵西遊此日還家正九秋卻喜黃花開口笑故人相見不須愁

虞帝廟前看桂嶺柳侯祠外聽山鵠諸公請驗風塵面猶帶蠻鄉瘴色無

金東隱先生遺集卷五  
五  
九日午晴樓登高

薄宦天南幾斷腸，遠離薊北住蠻鄉。  
五年腳悞千山瘴，萬里顏蒼兩鬢霜。  
蔬圃未荒兄未老，謂履方仲兄草堂猶昔母猶康。  
可憐伯氏難重見，心穀伯兄歿於己夏時余已之粵淚灑秋風心獨傷。

拜心穀兄遺像

此日相看兩淚垂，昔年何地不追隨。  
前言枉耳猶能述，遺像如生更可悲。  
行笥尚餘傷別句，余之粵時兄作詩贈行歸家無復夢中詩。  
可憐半世爲兄弟，雁斷荆枯身後思。

近圃弔亡妻李宜人

去值春風後，歸逢黃菊前。  
團圓懷少日，生死痛中年。  
羣木環荒圃，清醪酌九泉。  
粵西兒女好，可勿憶南天。  
九載辭塵世，游魂寄水濱。  
拜恩宣鳳詔，題碣贈宜人。  
薄

宦傷無伴荒原幸有鄰匹嫂杜安人亦斜陽衰柳外秋冷

淚沾巾

宿東安莊舍懷金質夫太守

推戶詩黏壁誰茲訪敝廬秋風吹樹老殘照入窗虛檐際  
城陰合階前菊色舒故人曾住此蹤跡近何如

甲戌正月至五月

元日于斯堂述懷二首

和風乍到北堂前喜慰慈親暫息肩四十光陰非故我二

三知己感當年頌椒人羨連枝葉去冬余方承母命續獻

歲杯稱上壽筵飲罷屠蘇初試筆早梅香透曉窗邊

幾年此日住天涯瘴雨聲中度歲華巧事縱成終遜拙宦

途雖好不如家九重銜命恩逾渥余由慶遠郡丞保薦

恩記五嶺回頭路正賒遙憶蠻鄉小兒女羣燒柏葉語

聲譁去秋余獨入都家仍畱粵

應之  
亾友周月東子學上索題其先人遺墨冊子援筆

病自詩中得人從別後亾有兒遺墨蹟無業廢珍藏月東生前

所藏書畫彝器殤後因家貧盡散覓句神如昨論交死不忘平生惟剩此

一讀一霑裳

高季冶布衣自高陽來作別

君昔居井里帶月還荷鋤躬耕二頃地牛角挂漢書今取魚鹽利廉從隨軒車馳驅高陽縣狂吟作酒徒人生無不可名利或殊途屢空何傷智貨殖亦非愚窮達與出處期毋愧丈夫知君識此義安命不枉圖隨寓意自適洋洋少

齟齬春初懷故友鼓棹來直沽念我萬里別急爲整行廚  
且贈二古器一盃一仰盃玩古兼酌酒宛似樂幽居酒以  
比情濃器猶德不孤報之惟數語幸勿笑我迂

元夕觀燈

元夕天和喜正晴氤氲佳氣滿春城綺羅叢裏風初暖燈  
火光中月倍明竹馬兒童無舊隊秧歌姹女有新聲填街  
塞巷人如海鼓吹昇平到五更

來蜨亭前又一登溶溶夜色上觚棱幾年慣見他鄉月此  
夕重看故里燈磊磊豪情嶺外減星星華髮酒邊增那堪  
回首雲山路繞膝團團竟不能

泰安道中

沙廻水複送征輪屈指辭家已一旬嶽外高瞻雲作障河

東曠接海爲津晴光漸逐風中柳春色難爭陌上塵前望  
斜陽催息駕酒壚帘影遠招人

重過崗山

崗山山色碧於天往蹟重尋十八年古柏森森青不改餘  
情仍在夕陽邊

欲登岱不果

從來逸興在巖阿幾度空嗟望嶽過四觀三山傳兩漢酢  
梨酸棗近如何

二月十一日王家營旅次作

驅車南下二千里離家半月鄉音稀江南聞說草芽綠江  
北未見梅花肥旅店蕭條卸鞍馱多燒榑柎將鑪圍棲雞  
膈膊驚下架牆頭虛白月色微河聲入夜侵兩耳黃流一

道環荆扉共道去秋河水漲家家土銼如魚磯窮民漂泊  
死無算存者瘠瘦羣啼饑卷棚作屋住堤側提兒攜女挑  
野薇憶昔大禹治洪水疏濬決排薄海圻九河故道一失  
所至今爲患毒淮沂我

皇恩重廣散賑縣官計口給米衣小戶守餓大戶飽姦胥  
顛倒是爲非嗚呼蠹民之弊向難治睹此不禁兩淚揮

自清江浦肩輿至版牘

嫩黃柳色水邊環清浦人家聚一灣十里長隄平似掌暖  
風斜日到淮關

版牘訪高立齋權使

君向邊關去我從嶺外行

余與立齋同官農部戊辰冬立齋槐山海關已巳春余官粵西

曾經萬里別重敘六年情野館花初發春深鳥正鳴畱詩



記往蹟前路怯長征

版牘月下登舟夜過淮安

煙光渺渺草芊芊正是江南二月天  
月色昏黃燈影暗春風送客上淮船

淮北淮南勝蹟多篷窗試問夜如何  
女牆歷歷微茫裏漂母祠前打槳過

花朝後二日洪魏笏觀察招游平山堂看梅

故人招我踏春苔爲赴平山冒雨來  
是日微雨一自翠華南

幸後環山添種萬株梅

望中不見石嵯峨山色何如花色多  
堂後堂前渾似雪暗香疎影散巖阿

過吳氏錦春園

境向何年闢園因 睿藻名賜園有錦春額御入門藤壓架登閣

竹侵楹石潤前宵雨花開昨日晴望中蒼翠立山似小蓬

瀛

屈折無多地幽深遠俗囂庭鳴春晝鳥池上西時潮池水

潮樹色青連屋苔痕綠到橋停舟畱半日佳處足逍遙

虎邱後山玉蘭花歌

我昔曾作虎邱遊後山卻爲半日畱是時六月花事過玉  
蘭老樹槎枒稠樓臺層疊塞花界花身局脊地湫隘可惜  
名花未得觀別來荏苒光陰邁六年久住煙瘴陞每遇花  
期徒自悲今春再鼓姑蘇棹正及名花爛漫時提樽攜榼  
尋清福身入空濛萬花谷廊深軒敞異當年有人重闢看  
花屋玲瓏一樹照山明恍然闔苑同香城瓊榦橫斜還跨

壁瑤枝低亞復連楹氤氲一院春光暖花氣騰霄天地滿  
大者萬朵萬玉觥小者千朵千玉盃十分開綻一分殘飛  
花瓣瓣飄輕紈堆階鋪徑盈尺厚落英歷亂如裊攤蜂蝶  
紛紜時出沒我坐花閒心忽忽朦朧兩眼更模糊誤將白  
日爲明月把酒高歌嘯且呼四圍花覆居水壺醉倒花前  
枕石臥顛狂欲喚花神扶嗚呼此花聞說種宋代風雨飄  
搖多變態千百餘年似鳥過遊人睹物興慷慨花謝花開  
歲遞遷花容幾見夕陽天嗟余雙鬢星星改羞對名花虎  
阜邊

三月九日晚過嘉興抱疾寄呈錢主敬少司寇

灑淚青門別幾秋每聽瘴雨亂羈愁秀州城外今宵過公  
病林泉我病舟

濟時暫息手中霖歸日

君恩似海深謝政讀書林下臥先生還有卹刑心

采桑歌

仲春桑葉生季春桑葉密宿雨初晴桑土濕青絲翠籠爭  
先出列樹陰陰蓋屋濃錦畦繡壟千村紅蠶飢怕落崦嵫  
日未敢旁行桃李叢大樹丁丁用斤斧小枝手拊聲如雨  
聲如雨十指纖纖何辭苦待供兒女嫁娶衣妾情長似蠶  
絲吐微行布穀驚淺笑逐流鶯欲知何日蠶功了看取稠  
桑樹盡平

寒食雨泊塘棲憶慶遠郡齋

遙青近翠望中迷兩岸人家瓦屋齊幾樹桃花紅濕處淡  
煙細雨泊塘棲

籌邊樓外山如黛種藕池旁柳似眉記得去年寒食日杜鵑聲裏雨如絲

雨中過小眠齋訪汪西顯不遇

繫船搖橈亭帆影亂雲霧登岸過樵關天閉雨如注行行方伯里訪君讀書處門徑寂無人小眠齋若故升堂拜老母母健春秋富穉子喜來迎家風守儒素語君十日前鼓棹吳越路篷窗邂逅過相遇失相顧六載恨睽違奚知一面誤離緒春繭絲悵望何由訴清明柳色青雨氣昏檐樹愁絕倚空庭蒼茫獨云去

與吳中林司馬話舊

花發鶯啼客問津與君喜晤復傷神六橋昔別時嗟久五柳今過雨厭頻把臂談經悲子夏

君左目久眇近右目復失明

論交身

世陋春申此行不泛洞庭去只爲西湖有故人

雨後泛舟西湖至昭慶寺邀左仲諸秀才同遊放

鶴亭

鷗羣同泛小舟輕兩盞新茶酒一鐺搖過斷橋遊屐少裏  
湖水比外湖清  
滿眼桃紅夾柳青孤山蒼翠接西泠此閒大有畱人處幽  
寂林逋放鶴亭

重遊竹素園

前遊正及藕花天此日重來已六年猶記全家園裏住夜  
深移榻臥溪邊

竹田以舊雨齋集見投挑燈夜讀作此志別

清新詩一卷翦燭短長吟世上稀同調篇中多古音故人

金華集卷之十一  
高臥冷春雨落花深五嶺重尋路言離淚滿襟

湖上喜晴口占

千樹桃花千樹柳一聲布穀一聲鶯天公似慰勞人意特放湖山竟日晴

舒雲亭大令以詩見贈依韻奉荅

十載思君切相逢卻恨遲萍蓬方作合風雨又言離交誼非緣酒遊心盡在詩那堪江上柳樹樹正垂絲黃茅炎瘴地汗漫續前遊禹蹟何曾到苗疆忽置州春山懷舊識夜雨觸新愁搔首難爲別情如去路修

常山旅舍樓居

山影纔清樹影昏雨聲初歇水聲喧小樓竟日閒無事臥看飛雲過縣門

雨過曹會關懷舒雲亭大令

松聲難共雨聲分  
曹會關頭忽憶君  
若問眼前奇絕處  
一溪水閒一山雲

舟發玉山

秧滿田塍雲滿天  
筍輿昨過縣門前  
曉風又濕一帆雨  
春水重登三版船  
樹影參差空郭外  
煙光縹緲亂峯邊  
行人無限離鄉思  
篷底長歌獨扣舷

重登滕王閣懷楊竹亭南康司馬

多少名流去不回  
蒼茫洲渚亂帆開  
閣中人在空濛裏  
又值西山暮雨來  
彭蠡湖邊草色濃  
故人相近不相逢  
憑高北望雲深處  
君在匡廬第幾峯



風雨中舟過豐城卻寄同年饒服松太守

聖主遴才士君爲首薦人

詔直省舉堪勝太守者共七十七人君居第一

一麾期

領郡三載淚霑巾

守君已遷永州

未赴

宦路何須顯歸囊不厭貧

扁舟過水縣風雨正殘春

重登獅子巖

遠眺獅子巖蒼茫積雲霧鼓棹泊巖根攬衣尋舊路修竹

雨後青花香煙外度溪澗邃以幽岡巒秀如故山靄斂孤

亭

巖上有澄碧亭

壓亭繞古樹滿徑落松子空江飛白鷺僧房鳴

疎鐘客倦天欲暮扶筇乃下巖苔痕濕芒屨

風雨阻泊分宜寄懷王介眉符幼魯

高懸帆影秀江中雲樹蒼茫望不窮萬里征程春又夏扁

舟滯客雨還風夜深靜憶孤吟子詩就兼思脫齒翁迢遞

關山一回首天涯蹤跡盡難同

登化成巖重謁李衛公祠

諸山盡逶迤此巖勢巖嶮嶮淵阿多邃幽徑寂無車轍風磴滑苔痕孤雲補石闕松老挂藤蘿長廊斜更折蒼翠滿軒窗亂竹當檐列櫻櫚晚作花霏霏落黃雪叢祠置巖巔春秋祀先哲我昔此登臨一薦溪毛潔歲月易云遷樓指幾寒熱挾策尋舊蹤巖樹鳴鷗鳴

曉登淥江小舟艱於坐臥感而有作兼寄長和兩姪

淥江水源短亂石穿細流舠舠到此窮每令羈客愁我茲攜家來又上倒行舟舟身似蝸小坐臥難自由無事每折腰篷脊低打頭有時風雨逼抱膝學楚囚丈夫憚行役曷

怪妻孥憂寄語安居人勿謂官易求

瀘溪阻雨

起坐天初曙煙浮篷背涼千林雲氣合一日雨聲長溪斷  
鄉民渡山停旅客衰生涯問何事鷗鷺笑人忙

淥口舟行遣興

岐路不堪回首淥湘二水流交楚樹參差沙岸衡雲縹緲  
山坳八幅麓臺畫冊一卷查浦詩鈔終日悠悠遣興篷窗  
得句頻敲

晚泊衡山東岸

向夕每停舟尋灣泊沙岸仰望絕壁遙參差落霞斷長歌  
工部詩古氣奪西漢幸非暘日時清光滌浩瀚須臾斂斜  
陽孤城隔江看歷歷峙女牆難復數煙爨密樹蔽岡嶺濃

霧忽若幔漁燈明滅閒客情轉悽惋回首念修途於茲已  
過半未及覓岫巘壯作登臨冠聊爾寄高吟山猿驚且喚  
衡陽舟中

湘雲淡淡岳雲飛終日篷窗看翠微江上風來香不斷曉  
山開徧野薔薇

爲看雲山客路遲篷窗徧綴短長詩羨他竹外人家小豆  
蔓斜穿鹿眼籬

灘頭石出水初消村外芭蕉綠過橋斜日半江煙半塢紅  
旗小艇賣魚苗

大觀樓迴俯清流迴雁峯高天末浮遠逼炎方逢閏月

閏時

四月朔日棟花風裏過衡州

銅鼓書堂遺藁卷十一終

男淳孫

樞校刊

銅鼓書堂遺藁卷十二

宛平 查禮 恂叔

甲戌 六月起

疊綵山風洞避暑

景合江山勝崖摩斧鑿痕因風來避暑步履到空門岫遠  
峯逾秀灘平水半渾坐看幽絕處別是一乾坤  
通明前後徹架閣不須椽石自成雲窟山誰闢洞天攀躋  
適所遇客蹟本如懸境僻炎氛淨歸途待月圓

桂林秋日

桂林秋氣絕飛塵恰好登臨託此身雲起有時還似墨青  
山無樹石如鱗

九月三日虞山卽事

銅鼓臺遺藁卷十二

蕭疎秋氣碧天空蒼翠林巒一徑通古殿尙崇虞帝像青  
山常覆二妃宮曉涼已作催花雨節近先吹落帽風亭角  
憑欄江上望雲深峯亂樹叢叢

自虞山沿江過木龍洞至伏波巖

侵曉陟虞山日出煙霞炯秋光非一峯水落日色冷下山  
沿江行舊遊得新境茅屋幾家人閒雞犬靜岸多李樹  
園黃葉襯幽景清波繞漁磯插篙繫舴艋石磴轉紆廻古  
洞倍亮洗襟刺穿洞過幸勿礙荒梗前仰伏波巖突起勢  
何猛欲與秀峯爭羣峯莫能竝塘屹阻往來但覺雲摩頂  
九日同盛方千王晴川及女壻楊質華兒子淳獨  
秀山登高分韻得十一尤

孤峯如削豎南州九日題詩最上頭飛鳥驚從檐外度斜

陽徐看檻邊收一樽酒醉殊方客萬里雲迷故國秋何處  
黃花開正好天涯回首不勝愁

靈渠役

有序

秦郡監史祿鑿渠以通糧饋名曰靈渠厥後修築代有其  
人我朝自陳文簡公巡撫粵西重新之迄今四十年而  
鑿處復淤修者更圯水源既塞舟楫不通乾隆甲戌秋兩  
廣制軍楊公佩之議行疏導水源修復陡門廣右方伯檄  
禮董是役行將探源興安勘工估費作詩以示同人

大禹不疏鑿何因稽古初遐方稱桂海于役浚靈渠水涸  
無舟楫秋高奉簡書來朝騎款段高下趁山墟

九月十一日晚發桂林過拱極樓下

鯉魚風起候初寒策馬匆匆驛路難樓上霜曾幾夜白林



閒葉已十分丹孤雲出岫秋容薄野水連村夕照殘聊借  
溪山供倦眼安能拱極縱遐觀

大融江口望靈渠水口

靈渠水六十里北起興安城紆廻乃至此大融水匯渠水  
寬始曰灘江波瀾瀾今夕江口望渠流渠流清徹無塵滓  
渠中陡壩問何如容待來朝驗傾圯

宿興安縣灘江書院

到城日已斜入院天已暮草草置行囊悠悠隨所寓翠柏  
掩虛廊蒼苔延細路西風吹幙涼清齋絕塵汗讀書貴有  
儔立志方無誤青氈最耐寒儒冠勝紉袴如何此寂寥不  
聞誦章句月色滿空階披衣起獨步夜靜蟲聲悲唧唧向  
誰訴

同梁希顏大令發興安尋湘灘水源

訪蹟臨源地肩輿過石磯蘆叢環水閣竹色映柴扉霜降

菱絲老田乾豆莢稀

時經秋旱

遙看山外樹歷歷冷秋暉

爲探湘灘窟沿緣聽水喧幾支收別派一脈溯眞源纔陟  
黃花嶺旋經落葉村淙淙聲不絕漸欲踏雲翻

拓源

崎嶇空谷路策馬拓源邊石壁延秋蔓茅廬上午煙幾村  
紅葉樹一道碧流泉境僻無人渡斜橫獨木船

上塘

上塘高下幾人家鹿眼籬邊石徑斜一嶺松杉青罩屋數  
畦蕎麥雪飛花

太平堡

交支水聚結孤村茅屋低侵老樹根牧豎鳴榔牛下嶺牧童

鳴榔則牛隨之出入興安村落皆然荒原日落客銷魂

自興安亂山中行八十里至鳳凰井尙未及湘灘

水源過此入靈川界矣馬上口占

鳳凰井自異龍潭界接靈川徑未諳采藥求仙今不暇尋  
山覓水昔曾貪孤村夕照明溪竹空谷秋風老石楠登陟  
渾忘筋力倦詩成馬上興仍酣

海陽山湘灘水源歌

我昔讀水經曾究湘灘流源出始安縣陽海山之陬桑欽

日湘水出零陵涓涓始一脈觴泛乃爲舟酈道元水經注

始安縣陽海山爲二水南爲灘水北則湘川東北流羅君章湖中記曰湘

水之出於陽朔則觴爲之舟至洞庭日月若出入於其中也  
盤盂導東北水分西嶺頭水經注曰湘灘之閒陸地廣  
百餘步謂之始安嶠嶠卽越

城嶠也又曰越城之咫尺同源異千里北曰湘水南灘水

嶠卽五嶺之西嶺也

湘過巴邱入於江灘至蒼梧注鬱止灘流水弱湘流強爲

源狂波築鑄觜刊鑿靈渠萬世功誰其作者秦臣史

注曰鑄觜在興安縣五里所秦史祿所作也迎海陽水壘

石爲壇前銳如鑄衝水分南北下爲湘灘二江功用奇偉

渠開水似天河傾因功謀利費經營續設陡門三十六堤

埽壩蓄如屯兵

湘灘二江舊築三十六陡往來自此邀其

惠楚粵舟航咸利濟人工不若天生成安得移山重疊砌

乾隆甲戌九月秋上公撫字憂民憂羽書絡繹檄余往相

度刻日工須鳩裏糧策馬走山麓先事窮源後修築興安

境盡入靈川攀葛捫蘿歷幽谷一山突起矗大荒石骨嶙

峴百丈強四圍無嶂亦無岫居民指此卽海陽山腳嵌空

挂鐘乳下有清泉巖口吐

山下有深巖巖口有小溪溪寬尺餘深數寸水從巖內流出涓

涓不把火直入山腹中目擊潭光徹水府自巖口沿溪入二十餘丈得深

潭即湘神奸物怪不可求陰森氣逼聲颼颼然犀我恐幽

明別邃竇豈堪人久畱出巖叢棘鉤衣裂老樹古藤懸巖

嶼披尋石壁獲二碑薛蝕苔侵色似鐵巖左有二摩崖子

嚴禱雨記一為淳熙丁未陳邕敘賜海陽山神侯爵記摩挲漫讀馬陳文字蹟端適

釵腳分速呼童子扣墨本天風颯颯飄秋雲嗚呼煙霞我

固有深癖挾祕搜奇無虛夕湘灘於此結奇緣作歌記事

鐫諸石

經海陽山下惠濟侯靈澤廟遺址

斷礎頽垣倚夕曛海陽山澤賴區分泉源不為炎天耗古

廟偏經野火焚村老云侯廟為野火所毀尚有殘碑鐫宋敕宋淳熙十

神為惠濟侯猶存遺老說侯勲濟時不獨靈渠惠好雨常

興一片雲

歸途重宿太平堡僧舍

舊路重尋宿沿緣過稻塍宵昏投野寺人靜對枯僧柏子  
殘鑪火禪心古殿燈虛窗上月色詩興夜闌增

開洲

行到水迴處人家聚一邱豆棚深竹裏茅屋小溪頭雲起  
山山雨煙凝樹樹秋前宵曾過此歸路識開洲

雨行興安山中懷杭大宗編修

山色看難盡江聲聽不窮村墟秋雨外客路晚煙中紅葉  
然疑火黃花冷耐風望雲懷舊侶兩地感飄蓬

聞說重陽後君將返故岑

大宗自廣州寄書云重陽後當歸杭州

蟹人船可

趁椰子酒須斟寂寞珠江水淒涼榕樹林嶺南刊有集歸

去憶題襟

探湘灘源回至興安縣再宿灘江書院對月懷符  
幼魯馮計六二農部

我窮江源來濕翠滿衣袂昨借山長居院門夜重叩書聲  
時有無虛白生堂構霜風吹樹梢菊色冷座右仰看秋月  
懸對影懷故舊關山隔萬里悵共嶠雲逗興安縣在始安嶠上不見  
符與馮使我心如疚憶昔事農曹迥異探巖竇今夕湘灘  
閒思之令人瘦出處似源流聚散蹤誰究孤燈抱離憂獨  
坐聽殘漏

萬里橋送李茲文秀才之都門

極目天涯對夕曛故鄉遙隔嶺頭雲秋風黃葉靈渠水萬  
里橋邊獨送君

由分水龍神廟歷馬伏波祠遂登全義山絕頂

神宇湘灘閒朱甍倚泉石庭戶暗生涼老樹搖青碧我來  
訪遺蹤拄杖探幽僻剔蘚讀古碑舊事了有得廟側新息  
祠祠荒惟敗壁鑪火冷不然秋蟲鳴唧唧緬彼將軍功千  
年畱偉蹟靈渠今日存一水通南北仰瞻全義山峩峩落  
寒色素臣此開渠嶺亦於以闢唐縣號臨源本自始安益  
代宗因山名同時有變易宋更爲興安千載遞沿革吳甘  
露元  
年以零陵南部立始安郡唐高祖分始安縣地  
置臨源縣代宗改爲全義縣宋太宗又改興安弔古一攀  
援雨聲來淅瀝眯目亂雲煙履危乍兢惕

分水亭晚眺

粼粼亭下二江分獨立蒼茫對夕曛忙殺連朝青白眼看  
山看水看飛雲



畫湘灘江源圖

山光水色豈虛無眼底紆迴衆壑殊昨探湘灘源已得挑燈連夜畫江圖

海陽寺

海陽山下舊有廟棟宇崔巍峙南嶠千年不斷鼎鑪煙一夕荒原野火燎我昨探源過廟基手把溪毛獨憑弔蛇蟲栖竄藏敗垣慘淡斜陽山鬼嘯或云興安縣城東乾道年閒曾奉詔侯封靈川祀重陽傾圯非關延夜燒廣西通志靈澤廟即

我朝建廟在此閒安流襄績賜神號陽朔靈源宸

翰題丹碧輝煌崇照耀雍正九年巡撫金鉷修築陡河請

御書額曰陽朔享祀永共靈渠長神兮降此何以報吾祈靈源有碑記

導源下陡門夏無爲漲冬無耗

雨中泛舟漢潭

湘灘水至鉾觜聚成潭號爲漢潭光琉璃明潭面如鏡平  
清流浸山影萍藻牽柔莖岸邊祠宇倚巖嶠天外雲嵐環  
縣閣迢遙不見海陽山南望江源源水活君不見鄆縣城  
西有漢陂岑杜當年作水嬉波濤萬頃深莫測老龍吐珠  
調馮夷何如此潭沆瀣無驚濤我今泛舟秋雨逗鳬鷺飛  
宿洲渚寒一曲漁歌煙裏奏

自鉾觜歷湘灘二江各陡門

昔聞湘灘閒巍然鉾觜矗高厚若石壇分水走山麓上下  
設陡門舊有三十六束水濟舟航利如野稱沃楚粵通有  
無百物賴以足一舉防川勞千古民所欲我今歷兩江非

復當時局鏤摧隄亦崩波流不可蓄陡砌夏漲衝石走如碌礪秋深水正淺淵渟不盈掬斷石望參差恍似牛羊伏梟技至此窮進退嗟維谷

石龍江有序

江源發興安縣西南三白蕩大嶺中西北流二十里至趙家堰入靈渠江中有石梁狀若遊龍長六十尺水從梁下過梁脊石紋宛然鱗甲因以石龍名江余尋乳洞過此攜杖履其上徘徊久之眞奇觀也

一江淙淙來兩山作水口

石龍上流有二小山江出二山間折而西流

源發三

白蕩下達秦渠陡石龍亘江中掀波舞靈湫造化何怪奇宛出斧鑿手飛躍具神形見尾不見首石上流石紋蒼鱗排九龍腹如環橋怒濤穿腹走龍脊爲通津人跡卯至

西或恐上晴空雷雨隨其後倒捲天潢聲瀑瀑破岡阜

乳洞

臨源城西南山阜連峇峇十里村塢幽所歷如有獲乳洞

最稱奇理我雙蠟屐步近玉溪橋耳根瀉崩澍下洞名洞噴雷

門敞而圓鍾乳垂累百左右兩徑通中抱一泓碧泓水生

巨潭潭光射千尺冬夏不涸流綠淨浮鮮鯽二橋接方壇

壇平堪布席濯足俯清泉恐擾蛟龍宅憑眺豁雙眸浩蕩

拓胸膈萬象皆澄空身若與凡隔洞尾石成田仙蹟開阡

陌洞後湧石成田天然阡陌高下宛似粵中山田奇勝甲於他洞惟當種石芝灌之以石

液巖口多摩崖年深苔蘚積我固好事者古人亦同癖歲

月易云遷對景悲過客搜剔石湖句徘徊感今昔范石湖遊乳洞

詩有歲月可無紀三洞俱摩崖出洞復入洞磴道陡且窄

雲氣冷逼人滃鬱沾衣白

中洞名駐雲

最高洞腹廣陽崖當戶

坼披榛拾級登煙霞棲亂石

上洞名飛霞

山下藏花宮森森圍

翠柏紺壁沿深礪軒窗倍靜僻暝色澹遙岑鳥歸送日夕  
秋風振疎林落葉聲策策

雲根洞

山水有奇癖登眺不須遣知勝必往探跋涉足重繭言尋  
雲根洞井徑筍輿轉梅村十里遙層岡連疊巘斯洞闢何  
年甯窅深莫辨歷世幾劫灰境僻山鬼踐荆棘披蒙茸煙  
雲自迤衍誰鑿混沌開前古蹟未顯我來秋氣空風生冷  
然善蒼鷹聲乍高遊鹿毛已毳掘衣下洞口磴窄受履淺  
五折洞方窮於茲獲勝選石鼓扣逢逢餘音吠仙犬伏流  
得巨淵沿淵浸碧蘚中或臥潛龍曲抱雲根卷

贈靈濟祠老僧

潺湲灘水繞門前  
僧住荒祠四十年  
窗外青峯青入戶  
看山不費買山錢

晚步靈渠隄上

磊磊始安山鬱鬱靈渠樹  
悠悠歲云晚忽忽天欲暮  
沿緣策杖來踟躕  
隄上步悲風振陰岡  
叢竹凝煙霧豈無棲息  
心殷勤柰時務  
築土隱金椎恨難鎔  
鐵鑄安得杜宇工鑿  
如三峽固奉檄  
敢辭勞能事何能具  
倍薄與增卑下策資  
調度雖非治洪河  
江源亦要路竊恐踰  
寒冬翻爲霖雨誤  
靈渠工所聞女殤  
哭之以詩時眷屬  
寓居桂林膝下忻  
多男有女方四齡  
氣清姿亦秀聰慧  
學娉婷朝傳以毛  
詩夕教以孝經  
章章各成誦每每  
憐其靈飲膳與之

其坐臥影隨形生無二千日恍然一夢醒

汝生我作客

辛未夏余有事桂林女生潯州

汝死我出門何堪生死際天

涯異寒溫感深眼目倦痛極心神昏桂林與靈渠日落望

汝魂丈夫志雖壯難斷骨月恩天殤數亦奇欲哭聲還吞

憶昨來興安我女牽我衣笑云欲偕往復問何時歸殷勤

呈天性動靜露天機詎知兩旬內與汝竟永違幽蘭摧弱

梗纖月墮寒輝此生不可見顏色遠庭幃

館舍燈初上北風悲且狂未飲心若醉黯然獨神傷遙知

生汝母日夕更斷腸我腸亦已斷不得共徬徨顧影長歎

息鬢髮影蒼蒼嗟哉歲晏晚寂寞湘灘旁

今夏六月余四十初度陳江臯上舍自直沽書來

兼寄吳天章字一軸爲余壽到時歲已暮矣風雪

中展玩再過愛不忍釋以詩書雙絕良友情深也  
卽用吳韻作詩以報

歲寒風雨吹零落嶺表看雲興磅礴雪中忽接雙鯉魚撥  
火開函坐空閣君書祝我四十彊相思滿紙感蒼茫封寄  
蓮洋奇古句吳綾歛墨饒幽香萬里迢遙來遠道離愁到  
處如煙草聞說今秋未得歸江臯書云今秋欲歸西湖未遂天涯已透春  
光早小除日立春案頭盆種石菖蒲挂瓶梅活開徐徐撚髭欲  
斷腸已斷寒夜挑燈作報書

乙亥

興安元日試筆

驚心客裏客元日對春曦春來自昨夜破曉弄芳姿梅花  
晴更幽欣欣獨我私我居始安嶠湘灘水之涯節序易云



過奔逐慣忘疲惟恐時事急屈指自於斯無人進椒酒聊  
自吟新詩

水南村

斑斑湘竹兩三竿雪白梅花一樹殘中有茅廬窗半啟窗  
前斜挂酒旗寬

二月四日興安見雪

二分春色正月過春光正好二月初朔風三日吹又急荆  
南雪過洞庭湖昨夜擁衾聽窗響曉起推窗眼模糊始安  
嶠上白如練粵西此景由來無獨惜梅花落已盡未識庾  
嶺近何如

四月十八日商蒼雨太守至粵雨夜話舊

嶺南欲見恨無從雲樹迢迢隔萬重朔雪天街曾作別瘴

煙蠻地乍相逢燈花落處吟新句梅雨聲中話舊蹤前去  
桂林堪縱目青山朵朵似芙蓉

別靈渠工所寓館

秋冬兩鬢怯風尖又是南天夏日炎工急卻教詩興減渠  
成漸見客帆添昨經移檄權邊郡今春膺太平郡守我本  
浮查此久淹欲去臨江將酒酌湘灘靈澤慶同霑

新寧道中宿碧雞村田家

風味田家好村醪爲客開從無金馬到可有碧雞來野老  
攜鋤返蠻童驅犢回窗前場圃淨誰共話餘杯

至太平

晴光無處不煙嵐幽壑危峯徑未諳鄉望心遙違冀北天  
然形勝控安南材奇人指青山壁城北青山多奇材碩果珍禽異獸魚美

誰貪黑水潭

黑水江發源交趾通麗江相傳黑水江心有香水潭出香魚味甚美可有參軍作

蠻語吟情我已十分酣

### 題趙仲穆秋江垂釣圖

平沙如印文屈曲天際斷列樹含秋容蕭疎立江岸垂綸  
誰氏子移艇凌浩瀚夷猶若無人鷗鷺不驚散船頭倒山  
影動靜臨流判意豈在得魚塵俗於此遁我生愛漁樵結  
廬擬溪畔遙企畫中人招手近可喚

### 登鼇背山塔

嵯峨鼇背山突兀江心峙浮圖插其巔直向雲霄起放舟  
泊山根黛色落秋水磴道盤巉巖天風忽可倚獨立斤流  
中孤標瘴煙裏驚濤撼不動鼇足入地底俯聽猿嘯哀低  
看飛鳥止遙睇壺城閒蒼茫暮色紫旋轉礙雲過望望窮

千里巍然南天南萬古青無已

經馱樸鐵廠

鹽鐵原同利經營亦有年洪鑪鎔晝夜官稅納縉錢山色  
穿茅屋江聲壓客船我來兼撫字商賈喜安然

自太平入

觀畱別郡齋

城似冰壺舟似杯

太平三面環水城似虛形

天涯人去約還來瘴邊多

雨齋常潤秋盡無霜菊正開晨拂纖塵懸舊榻晚題雙桂  
記新栽回時未卜春遲早應及閒吟嶺上梅

寄別張風林司馬

荒徼降夷舊有城

上石西州地舊有受降城

天南吹角帶離聲青山惹

夢從君過五十三村夜月明

五十三村屬寧明州時司馬兼攝州事

商蒼兩太守以詩贈別次韻奉荅

風聲十月壯三關

太平與交趾接界處有三關曰水口曰平而曰鎮南

帆落江干喜

一攀幾卷新詩吟澹名滿城青嶂對孱顏

時蒼雨以邊安近葉見示

惟樂千山靜士祝應慚五馬還

蒼雨謂郡之紳士望余速還

有意撫綏

勞下問挑燈連夜話諸蠻

### 舟發太平

氣候別炎涼遊心逐故鄉江蘆猶作雪山木不驚霜此日

扁舟去前途萬里長輿情何戀戀慚愧酒盈觴

是日祖餞者千餘人

### 月夜舟中述懷寄李向叔少府

夏末攜家來圭符寄暫守舟過平南城忻與君聚首五日

共篷窗辰興坐及酉情話多慨慷精神覺抖擻呈君點竄

詩愧不自知醜贈我新篆印至今繫諸肘

向叔贈余人月雙清一印

別三月餘歲時未爲久笑語無二三失意事八九惡僕驅

四人良奴斃六口幼兒痛病叵使我淚盈斗

五兒阿昭八月殤於太平

其舅聞之傷其翁何以受

向叔聞昭兒殤來書云其心腸

愁欲裂髮白漸成叟安居方百日又作萬里走勞勞無已

時舟車馳陸藪歸去最云樂好爲老母壽朝衫換斑衣歡

進南山酒人生宇宙閒百歲非常有貴須患不貧醉空杯

在手皓月上嶺頭團團大如白對月且放歌好景休孤負

夜氣浮空濛岸風吹敗柳江山盡畫圖天地一培塿

### 寄李同人太守

左江之水水渺漭左江之月月昏晃水光月色上下連蒼

茫煙樹初寒天我舟泊此遙西望深夜懷人意惆悵空濛

不見滇南山碧雞金馬無由攀姚安蠻府在何處此夕閒

吟冷郡署竹牀茶竈淨無塵眠食應知依舊貧放衙坐聽

鼓聲響人無私謁息擾攘外官可似內官尊

同人以比部郎出守姚安

郡太守高風君定存暇時興到筆飛舞大書肘力多奇古

善書同人何妨一幅寄炎鄉妙墨淋漓掃壁張

自宣化舍舟就道

一籠書挂一張琴更有奚囊尺半深從此山行景正好黃  
花紅葉佐新吟

宣化道上見谿礪閒野雞冠

行看樹樹漸成丹十月風光葉未殘碧水一泓山色裏夕  
陽紅殺野雞冠

避雨老虎洞

耳聽如狂立似癡天供詩料卻神奇誰能寫我棲巖竇虎  
洞陰森避雨時

自羊角山取道至獨靜塘不及過柳州

亂山歷歷雲如墨荒草離離雨作絲獨靜塘邊畱絕句吟  
心遙寄柳侯祠

理定舟中

日短行難遠江空銷客魂濕雲橫斷礫寒雨暗遙村山赭  
新燒蹟灘青舊漲痕篷窗幽興在薄暮倒清樽

桂林雨夜懷丁敬身布衣

桂林客館靜幽極我心知把酒孤燈夜懷人疎雨時鑪寒  
深著火硯冷獨敲詩吟想丁生苦更殘臥定遲

冒雨發桂林

三日畱桂林無事勞請謁精神雖尚疲筋骨快少歇茲晨  
又束裝密雨來倏忽出郭記初程亂峯矗如笏遙怯衡山



長復愁洞庭闊素知行路難慎行戒顛越

靈川道中懷戴植三太守

歲月侵尋客裏過途中勝概舊如何水從普濟菴前去松

自甘棠渡北多驛路雨聲寒紙笠

輿夫雨行戴笠皆編篋糊紙爲之

漁樵

煙色冷櫻蕪惠州太守魚書杳海上新猷氣必和

冒雨過嚴關簡興安梁希顏大令

去年曾共陟巖巒

去秋與希顏同探湘灘水源

今日嚴關獨據鞍山腳

草青知雨潤松皮苔碧耐冬寒擬尋舊壁詩何在

余築靈渠住典

安時歷寒暑暇輒有詩

待測靈渠水幾寬此夕故人應聚首挑燈莫

使酒杯乾

阻風海陽壩口

水作驚濤壯隄長巨石危風鳴湘岸樹舟泊海陽祠候冷

魚來少城遙酒到遲終朝篷下坐無事只吟詩

自全州放舟風水皆順日行將二百里詩示淳兒  
楚粵分疆衆壑殊兼程終日坐撚鬚畫中山水尋常有詩  
裏風光記取無雲氣寒銷桂嶺瘴湘流徑接洞庭湖松杉  
影落斜陽外共倚篷窗聽鷓鴣

月夜舟下冷水灘

江光如練響潺湲艇指中流下不難野岸人聲冷水渡驛  
樓霜色永州山松杉斷續雲千嶺漁火零星月一灣靜識  
侏儻皆向化昇平樂土五溪蠻

湘江玩月

纔過打魚灣又歷桂水口

桂陽州水口

暝色赴煙波餘曛澹林

阜好月來趁船相與作良友始來在船頭須臾到船後示

之以新詩酌之以醇酒寒宵忻得伴睥睨失星斗水光盡  
成紋山影各靜守我歌君且聽君情我勿負問君自古來  
可識湘君否久之無一言西馳但低首攀留竟不能棄我  
若遺帚萬籟爲寂然空江復何有

夜過衡山縣舟中對月懷張雲澍司馬

岳色空濛夜色昏櫂歌聲起客銷魂煙中燈火臨山縣樹  
裏茅茨近水村小艇載人還載月寒宵聞雁復聞猿澳門  
司馬無消息愁絕篷窗酒一樽

與楊方伯話舊

朔風蕭蕭吹長沙滿城瓦屋鋪霜花岳麓山近落寒翠曉  
開官閣聞啼鴉我來下拜還起舞舊吏相逢紫微府歡然  
憶昔說蠻鄉宛聽猺兒擊銅鼓情投拍案笑語高掀髯大

叫驚秋濤粗浮我本燕趙士慷慨悲歌意氣豪此夕天涯  
忻道故放蕩形骸忘禮數自知狂縱罪難逃豁達如公定  
邀恕公顏蒼如喬松枝胸羅萬象含機宐九重旦暮新  
恩至一柱南天撫海夷人生百歲古今少勲業隆崇須及  
早我茲萬里赴修門別公北走邯鄲道

月夜自湘江入喬口擬由支渠經沅江縣渡天心  
大鯨諸湖取道荊州曉至橫河口南風頗厲因回  
舟仍出林子口復入湘江渡洞庭北上得詩三首  
冬日北風多洞庭不易渡大江下更難決意改前路扣舷  
別長沙夕照已薄暮夜半入喬口月色一江富憶彼西湖  
潯洲渚生煙樹細澤通淺流舟進無復懼悠悠趨坦途安  
舒乏窘步屈指計程期到日應弗誤

曉至橫河口篷背積白霜

舟人云冬日霜重則多南風

颼颼南風厲洞

庭帆可揚舟子心狐疑仍欲出瀟湘老奴唾其面恐此風  
不長復云順風下三晝抵武昌何故滯時日而必走荆襄  
余諾斯言是回權喜編郎老奴默無語含怒臥空倉  
取道出支渠波靜水晶淼高岸列良田此閒足魚稻茅屋  
聚成村歷歷人家小黃犬吠門前白雞鳴木杪疎籬露窗  
牖沿牆長亂篠苔徑何幽閒寒柳枝嫋嫋漁罾向晚收天  
末過飛鳥澹遠明殘霞平野煙雲繞望望林子口空江風  
色好來舸去不停葉葉蒲帆飽

月夜再渡洞庭將曉風狂幾不得近岸

三年經兩渡一葉去如梭月小光無際湖寬水自波不知  
天遠近數問夜如何破曉驚風驟披襟且放歌

江上阻風道人磯

山店門多閉江頭葉亂飛寒風狂索句畱贈道人磯

十一月十六日江夜口占

回首湖湘客思多岳陽城外洞庭波空江殘夜無漁火寒月滿船聞櫂歌

宿蒲圻龍門書院贈武當山楊致虛道士

借宿蒲圻客有緣忻逢揚子快談元今宵一榻清無比夢在名山月在天

樂城道中

霜天哀角一聲吹驛路塵飛匹馬隨畱養恩深開近局

近年

直隸制軍奏令州縣設立畱養局以棲流民

去思縣各列豐碑荒林寒日墟邊

酒薄醉微吟馬上詩客路且忻家不遠殘年風景慰鄉思

落日

馬嘶客倦逐風塵  
逆旅誰爲物外身  
又見西山銜落日  
念  
念尚有後來人

男淳孫

樞林

校刊

銅鼓書堂遺藁卷十二終

銅鼓書堂遺藁卷十三

宛平 查禮 恂叔

丙子

雪後余荆帆上舍詩叩行期次荅

半月稀音問新詩分外嘉  
雪聲餘竹葉晴色上梅花爲待  
三春景因停萬里槎  
行期如已定走別到君家

雪窗自題畫梅冊子贈馮計六戶部

春風料峭拂金臺  
積雪光清霽色開  
我作瘴鄉萬里別  
別君畱贈一枝梅

題朱仁長指畫載鶴圖軸子

喬木陰濃石徑開  
煙巒雲岫長蒼苔  
高人水閣斜陽裏  
小艇迎流載鶴來



三月十九日滎澤渡河

驅車自笑往來頻河水依然幾問津風色滿帆連四渡

癸酉

秋余北上甲戌春回粵乙亥冬又北桃花新漲正三春

上今春又赴粵三載中四渡黃流村驛遠沙飛岸廣武山青樹接人莫歎蒼蒼雙鬢改功名

端爲太平民

今回守太平

新鄭曉晴驅車渡溱水道苦泥濘因走村落哇隴

閒見麥苗勃然青蔥彌望徐行六十里投石固鎮

宿

春風日日生昨夜雨如注曉發天放晴城頭色已曙驅車

涉溱水人馬衝煙渡僕夫畏泥濘攬轡左右顧獲徑改前

途折趨田閒路竊恐古道非乃失澹臺步麥苗綠平疇望

中無隙處可知潤物功全憑沛澤布宿種冀豐收村落饒

生趣 九重日萬幾民食爲急務兩岐稔二米麴麴飽萬  
戶余時抵遐陬嘗新誰索句行行六十里遙遙投石固  
立夏前一夕雨泊楚江和家立功姪韻  
雲起江天暮連舟泊有鄰夜吟驚斷夢楚雨送殘春須識  
名家句多由寂寞人千秋如一瞬何況百年身

夜泊大鯨湖口次立功韻

向夕湖濱泊蒲帆帶雨收煙波空極浦漁火出孤洲寄跡  
沅湘際方知天地浮夜深吟未罷涼氣似新秋

六月六日涖太平

敢因五馬盜虛聲撫字難如詩思清麗水波澄同匹練青  
山色淨映雙旌且忻雨澤春來遍預卜倉箱秋後盈自古  
安邊爲上策可能無負太平氓

送商蒼雨太守去太平卽次畱別原韻

去冬愁竝上離顏纔得愁消又涕潛瘴地自甘匏共繫  
隅誰解語仍蠻一天風雨孤帆挂滿眼雲山倦鳥還把酒  
江干重話別歌聲不覺溢壺關

小暑後二日同家立功姪納涼蘋花池

池館迎涼後斜陽竹外明靜聽林果落幽與宿鷗盟蘋密  
波光斂風疎暑氣清此閒消夏好移榻伴茶鎗

月夜池上偶成次立功韻

抱膝微吟興頗酣靜憐明月印空潭尺書斷續湘雲北雙  
鯉浮沈蓮葉南池草空思靈運句竹林偶想阮咸談多慚  
有酒難成醉自笑身如不飲蠶

余性不勝酒淮南子蠶食而不飲

闢解西荒地

郡解西之西有地復有沼寬廣數畝餘古木閒叢篠奈彼  
嘉樹陰雜以荆榛繞如何幽篁隙瓦積衆山小無徑可尋  
花接葉偏巢鳥暇日遣閒情觸目生懊惱際此太平時歷  
年不爲少眼中穢未除境內弊誰掃呼童具斧鋤剗掘宜  
及早刻日去垢汙乘風翦蔓草

亂草云已芟惡木云已斲瓦礫一不存蕉竹散秋綠茅亭  
須短椽池館宜小築水澹光不流鷗閒鴛共浴老樹挺疎  
林弗復愁窘束對景適素懷置身若山谷好鳥時一鳴幽  
情勝麗曲何期蠻府中耳目得所欲非地實有靈人自爲  
榮辱畱詩寄後人誰當共遺躅

寄張風林司馬用何水部入西塞示南府同僚韻  
時風林以潯州郡丞權知寧明州

秋氣侵夏杪人意較清爽水白月光流雲奇峯下上撫琴  
懷故人空齋發逸響追憶別君時蹤跡一何廣仍未遠南  
州令德愜心賞古貌蒼於松孤高寄遙想平生文字契夢  
寐勞神往沖融態度安惛惛學有養置身宇宙閒道誼本  
浩蕩誰能測深沈珊瑚遺鐵網

解西竹樹清華居落成

盡我誅茅力於焉結草堂清華宐夜月竹樹少秋霜水繞  
花光麗風生鳥語香可堪棊一局消此日舒長  
曲徑鋪青石蒼苔帶舊痕矮牆無甕牖短榭向籬門得句  
書蕉葉看山坐樹根天南吏似隱別有浣花村

聞許西峯州牧訃音

十載與君未識面一夕已悲生死閒誦君之詩慕君才寤

寐使我情繾綣去年寒夜過許州訪君不值空眷戀畱詩  
因囑旅人投載月驅車趁郵傳君自歸途得我詩和章倚  
馬敲冰硯急遣詩筒尾後追堅訂南行再相見今春赴粵  
又迫期取道荆襄未渡汴遠涉湘水逐嶺雲雲樹蒼茫隔  
楚甸秋老南天雁不來相思如昨寒暑變尚望許州遷柳  
州弗使柳侯名獨擅如何一旦走音塵君遊泉路我誰言  
挑燈獨坐爲痛吟吟罷風悲淚如霰

### 瘴雨亭

小亭全不費人工草覆重簷竹柱空瘴起黃茅通密嶺雨  
懸碧樹滴疎桐身心轉恐閒爲累民事惟云素可風擬乞  
天公飛瑞雪炎方歲歲兆年豐

### 寄葛搢書

落日照關山相思滿雲樹人生歡幾何隙駒不暫駐獨立  
感蒼茫天涯同旦暮憶彼高蹈人顏色應如故

丁丑

讀陸放翁南園記題後

湖山勝境萃林邱南宋園亭此最幽一記千秋清議在累  
公文筆玷高流

午睡

幾竿瘦竹倚牆栽豔豔蠻花向日開鳥語數聲書一卷綠  
陰窗裏夢初回

鷓鴣灣逢楊直亭太守

正有伊人想逢君鷓鴣灣日斜揮手去流水任潺潺  
上林道上山薑花紅豔可觀

寂寂上林道行行日已西山花紅豔處恐是杜鵑啼

曉行宣化道上

記得前年路今朝可再尋舊詩存破匣新語逐幽禽遠近  
山誰畫高低松自吟行行懷故友不似白雲心

秋夜竹院納涼

竹院逢秋色倍涼計消殘暑設繩牀夜深枝上無啼鳥多  
少流螢煙際忙

夜坐

池上茅齋竹外亭風來微覺有芳馨月當夜瘴消時白山  
向秋林闕處青卻飲非關愁酒病品泉未得續茶經太平  
一載侵尋過暫許偷閒枕席寧

苦雨



今年春夏交雨澤患闕少炎天障火雲赤日出杲杲田閒  
土坼裂青苗半枯槁父老頻歎嗟守令虔雩禱幸從六月  
來甘霖沛蒼昊早禾死復甦及時插晚稻烝黎有歡顏賽  
神以清醪盡道歲必豐戶戶足溫飽誰知大暑後霖雨聲  
不了入秋旱日光點滴繼昏曉簷溜若瀑傾盆翻兼甕倒  
牀牀避屋漏淙淙塗卻掃衆流漲蠻江岸闊波灝灝山溝  
坳窪田十畝已九潦嗚呼民何辜天不爲恩造忍使太平  
地而必多餓殍無乃太守過固慚一州表作詩告天公憐  
我心如擣願放半月晴西成尙可保

十月八日立功攜酒榼邀同黃承萬袁廷顥遊土  
江州之波漢山余因事阻不克偕往午後馳之以  
詩

聞說江州波漢山清幽能醒醉中顏時當巖菊闌珊後步  
遶溪雲冷澹閒彼屺自堪供遠眺我心恍與共躋攀歸來  
合有崢嶸句乘興無妨載月還

遊羅漢山

言尋羅漢山暮色空城合山中蒼翠凝市遠無喧雜夕陽  
含高峯晴雲閒吐納石磴曳杖登風來聲颯颯懸崖嵌紺  
宮疑此通閭闔藤樹多倒垂葉落侵几榻疎寮立殘僧古  
貌衣破衲囁嚅謔於語有問不我荅

置身最高處遙瞻天微茫飛鳥煙際沒暮景愈蒼蒼山根  
一泓水亂石堆陂塘淵渟起寒色綠淨鑒毫芒人家環水  
居茅屋倚修篁園果垂橘柚棲雞鳴柘桑嘉此幽靜地當  
名醇樸鄉弗謂谿徑小俯仰任低昂已足尋詩意何須攜

酒漿

邠地嶺

崎嶇邠地嶺亂石疊谿窈窕屋三家聚山田一徑斜樹聲  
宛流水紅葉落春花如此幽奇境蠻鄉絕可誇

橫雲嶺

羣山奔麓如怒馬截我前途橫曠野雲中辦辦獻青蓮奇  
峯高託蠻中天巨石劈開一線入磴道盤旋七十級風廻  
巔口冬日殘鷓鴣一聲人膽寒崎嶇蹙躓下嶺去鼓興還  
吟過嶺句

歲殘

苒荏光陰去崎嶇蹤跡多歲殘憶母老宦遠賴民和山淨  
雲如練江澄水不波待看春酒熟更作太平歌

戊寅

人日試香室讀太元經寄丁敬身布衣

春風拂面韶光吉炎瘴天涯又人日烹茶細誦太元經  
淨窗明試香室辭慳義奧不易知心清欲寡志方壹  
爲想當年草此時傳後惟有桓譚必惟天不昧人苦心  
醬瓿焉可覆此帙晚遭陸績道始明淵通之才弗代出  
譚元須識莊老殊深博竊笑死王弼釋卷忽思我故人  
窮經遠在煙霞窟不見蒼顏已五春侵尋歲月傷離別  
湖上春光應漸來幾樹梅花斷橋雪嶺外相違路七千  
鷓鴣聲裏愁腸結

次立功試燈夜偶成原韻

簫鼓江城逼蠻鄉也試燈白搖當戶月紅曳過街繩  
官事交春減詩懷入歲增解西池館靜輸爾寂如僧

金華集卷之三  
和荅程廷儀大令見寄原韻

十載與君別之官近夜郎閒將聽訟處恆作讀書堂月色  
同千里江流阻一航每當忻賞地孤負幾辰良

尺鯉傳韶右

廷儀時在韶州曲江

殷勤託素心暮雲嶺上合春樹夢

中尋詩律窮逾細交情老自深何時溯麗水迢遞覓知音

遊嘒鳳山石樓洞

尋春出郭遙處處雲山疊渡江之江州春風隨步履黃花  
滿菜畦候暖忙蜂蝶煙拖麥壠青肥抽如韭葉萬物資發  
生好雨賴周浹行行四十里山民爲款接男婦競走觀各  
各含笑靨村鵝頗清幽竹篠閒松鬣土俗淳可知安堵無  
驚懾炎方氣本和陰陽自調燮

山村引竹徑徑盡山亦窮峩峩勢廻抱邃谷無路通奧室

何代闢一窟開鴻蒙結伴把火入指迷賴山翁穴隘怯撫  
摩石稜相磨礱凝陰滴冷光疑潛怪物蹤須臾出洞口佳  
境忻忽逢豁豁靜太古壁立峙龍從出言聲在甕置身鳥  
在籠巖花誰爲植木棉綴枝紅時聞禽語喧幽壑春氣融  
別有一天地奇哉造化功何期逼窄處翻能豁心胸

山後更有洞陽崖較前廣支筇躡磴艱芒鞋破幾緡樞衣  
復探奇曲折時俯仰低來縮脰行然松近炙頰膚腴濯汗  
流脫帽去鶴蹇步如倒嚼蔗漸喜獲佳賞巨石如砥平崆  
峒分下上其下闊而幽其上頗宏敞仙人好樓居結此絕  
塵垓我忻坐臥閒不復別天壤同遊八九子一一脫世網  
倘許七日住應垂千秋想洞側穿小竇玲瓏倍虛朗鐘乳  
盡倒懸山骨多康崑若非勞鬼神安得此景象誰爲延孫

公長嘯發逸響

下樓復出洞洞外復環城周遭石崩劣疊巘天削成巒蒼  
積苔蘚嶂碧挂蘿藤飢鼯銜尾竄元猿引臂登雲根吐一  
縷變幻構虛形俯拓百畝餘土沃水且清林木多好枝棲  
鳥遠惡聲雖無雞與犬而有魚可罾雖無桑與柘而有地  
可耕詎因隔人境古莫爲經營抽閒畱半日欲去還自停  
願種金光草於此事長生何當戀華腴與世爭枯榮  
夕陽掩遠岑洞際出蝙蝠辭山遵竹徑村煙上茅屋牧童  
驅犢歸樵子行斷續言還秣我馬願畱夜未卜野老前致  
辭來遲去何速自有斯洞來未嘗邀盛服今旣辱冠蓋曷  
不期信宿壺漿獻舊醅餐飯春陳粟余曰敬謝矣足感情  
敦篤惟望麥有秋幸勿耗蘖麴且彼洞中天可以廣園藪

山開地無荒勤儉安淳樸言罷晚色冥去去走空谷青天  
無片雲新月一鉤曲

曉上盤馬灘懷高季冶

盤馬灘聲急孤帆挂曉風灣環春水綠岸繞木棉紅對景  
傷過鳥懷人感斷蓬魚書三載絕使我鬢成翁

麗江舟中卽景

藤碧崖邊石蔗青淵上坡春陰初釀雨水暖漸肥螺帆影  
一江少猿聲兩岸多日來行役快敲枕扣舷歌

夜泊龍州岸下風雨驟驚把酒索句忽聞鄰船箏  
聲疊奏如和余吟并戲及之

青龍橋畔水光寒小泊蠻江春漲寬出寺鐘魚高閣冷壓  
船風雨一燈殘我愁險句驚山鬼誰撥繁聲引夜鸞不似



潯陽送客處琵琶斜抱向人彈

暮春竹樹清華居卽事

闌寂西岡景物疎清華竹樹襯幽居一灣碧水侵階淨幾  
疊青山入檻虛春暖老奴晴曬藥花陰小吏日鈔書天涯  
領郡稀民事吟詠無妨案牘餘  
尋詩何地最相宜亭北橋南任所之澹漠晚雲停有意空  
濛曉雨過無私輕風花影窗搖處殘月鶻聲夢破時茶竈  
筆牀精位置此閒名勝少人知

周少白司馬過訪畱宿瘴雨亭

幾載相思切翩然此日來品當比璞玉襟不著纖埃文字  
奇堪賞人情熱可哈聊爲冷澹業小彙倩君裁  
雨足添新綠鶯花四月天風薰禽語熟日午樹陰圓枕簟

空殘夢詩書感夙緣如何行色促不作久畱連

麗江書院後圃靜宜軒枕榔亭落成因題

舊圃還須闢軒窗攬翠微文章由勝地游息得清機種石

成山易

軒前堆石爲山

芟林補桂稀工夫到靜養字字必珠璣

亭結枕榔下悠然四面虛檐高因接葉牆短爲觀魚我愧  
文翁化誰窮石室書佇看羣弟子作賦擬相如

題單安瀾上舍山水冊子

桐蕉陰綠竹聲閒荷氣侵人水一灣小閣斜廊雲木合玲  
瓏敝出太湖山

右桐陰水閣

隱几思山寫素秋淺深邱壑小亭幽蒼松兩樹臨溪上風  
起濤聲滿釣舟

右松亭秋壑

能教尺幅萬山攢  
礪水松風夕照寒  
雲棧蠶叢人似蟻  
從知蜀道上天難

右雲棧圖

寒林樹樹禿無葉  
水落沙汀接板橋  
天外嵐光覆茅屋  
澹雲薄霧隱嶢嶢

右寒山枯樹

題吳匏菴手書詩彙冊子

東坡書筆久不傳  
後來摹仿兼媿妍  
匏菴尚書嗜蘇字  
用筆直追元祐先  
清詩小冊寫何歲  
緝綴百萬驅珠圓  
不獨字佳詩亦雋  
春容淡逸朱絲絃  
歌行古律各體備  
八十六首紛羅駢  
中間題贈最密者  
陳氏玉汝沈石田  
匏翁去今

三百載紙色渝晦微蠹穿雅宜山人夙寶愛長洲待詔題  
其前遷流輾轉落我手重緋什襲熏蘭荃匏翁手鈔昔頗  
富蠅頭蠶尾蠶蛾眠服官操觚兩不廢東廂署記天曹銓  
嗟余所見僅此本太倉粒米慚困廛安得遺書盡插架勿  
使過眼歸雲煙

午日桂林登逍遙樓觀競渡

鐵鎖貫浮橋龍舟撥畫橈江喧觀競渡樓靜喜逍遙楚水  
空回首騷魂不可招夕陽烘返照隔岸七星焦

七月一日有永康之役舟發太平

永康舟自太平灣空羨鷗尋釣渚閒百八里中猿兩岸隨  
風嘯裂淨瓶山

秋日登金匱山懷汪西顥

極目窮千里離懷天一方人隨秋氣澹山向夕陽蒼兩載

居官處何年斷雁行偶然叩往跡爭說伯溫良

明都御史毛伯溫詩

安南還勅元老壯猷平交偉績碑於此

故人違十載無夕不相思風雨傷懷抱關河老鬢絲麗江

臨逝水

麗水經金匱山下

金匱獨登時遙想榕城客應多瘴海詩

### 夜泊馱盧埠下

寂寞空江浮夜色昏黃高樹動秋聲扁舟泊處無人語月

滿前山蛤蚧鳴

### 麗江行

麗江之水清見底處處遊魚露首尾江源遠自交趾來經  
州過縣千餘里沙迴洲曲走潺湲灘上無風浪自翻厓懸  
碧樹鷓鴣叫亂峯夜夜啼元猿居民茅屋稀村落但聽蕭

蕭響筠籊終朝罕過往來船  
天衣飄飄雲萬壑我買扁舟  
泛淨流江閒好景篷窗收閒  
有漁郎駕短艇蘆荻港口隨  
煙浮從知地偏江亦僻水落  
山根透石脊當年禹亦畏艱  
難南交未煩四載跡未經疏  
鑿後誰通半由人力半天工  
地勢雖有銅柱隔自來無水  
不朝宗不然何事累漢代伏  
波樓船次第載洪武之後屬  
太平清流於此終無礙

舟過新寧晤馬大牧

秋旱一月餘秋陰不成雨田  
乾晚稻枯木落北風舞我舟  
過新寧山城歷環堵茅屋臨  
水居人家可悉數刺史鼓棹  
迎執手使相睹爲言歲歉收  
須借倉儲補所蓄素無多何  
以徧蓬戶余嗟愛民心職不  
愧守土維民三年耕何無一  
年聚盡彼胼胝勞未免饑餓  
苦今當急告糴先事招商賈

且思古良牧地利可順取嘗羨蜀李冰沃野稱天府柰茲  
南天南水利莫能主須程灌漑方迢迢堰江浦

晚晴過永淳縣

破碎雲歸岫扁舟傍晚晴夕陽餘半塔秋樹逼孤城鳥悅  
山光淨魚沈水色清勞勞事行役覓句遣幽情

晚過橫州

海棠橋畔已秋深泉石多關弔古心數點飄來篷背雨一  
行飛去水邊禽煙迴疎樹居人密雲匝前山滿郭陰薄暮  
支頤鼓櫂過橫州聊復寄閒吟

過潯州感舊

舊遊城郭感重經放溜扁舟不易停積雨曉收孤閣冷新  
晴秋縱一山青回驚歲月如流水久笑行蹤似泛萍多謝

關前諸故吏殷勤道我鬢星星

曉雨舟過蒼梧寄姚南青編修

雲水蒼茫塔影浮，牂江上放孤舟。  
斜風細雨嚴關曉，翠竹紅蕉古郡秋。  
一夕詩成離別淚，十年書斷往來郵。  
直沽聞道君初住，鴻爪天涯動舊愁。

風雨夜泊德慶城下篝燈讀漢書

寂寞篷窗似草廬，孤城已報二更初。  
燈前無物消樽酒，風雨聲中讀漢書。

晚晴登端州閱江樓

羣山含霽景，江上雨初收。  
雲氣浮三塔，端州隔江有三塔禽聲貯一樓。  
波橫白練曉，帆挂碧天秋。  
不盡登臨意，詩成遣客愁。

端州逢陸大田編修

時掌教端溪書院



梗泛萍浮各有蹤天涯雲樹隔重重湘蘭沅芷書曾寄

甲戌

君掌教長沙時曾有書來往

蜚雨蠻煙人忽逢懷抱孤高清似鶴鬢絲

蒼白健於松十年舊事從君說淚灑西風慘別容

謂其凶弟賓之

冬日回太平途中口占

波橫練影一帆開日落愁驚四序催人似天空雲出岫隨風吹去又吹回

左州舟中

峩峩左州山蒼蒼鐵厰樹哀哀洞中猿亭亭洲上鷺歷覽境盡幽終日勞盼顧對景興長嗟孤懷向誰訴自問何所傷所傷在歲暮良時感易過人生若朝露

晚過新寧州

只見羣山繞寧知一水迴城寒餘落照樹冷積枯苔竹徑

沿江轉柴門倚岫開舊遊情未極過此獨徘徊

歲殘

天南雪未至但聽葉聲乾客路詩初就蠻鄉歲又殘

馬上

歲暮怱怱路更艱舉頭空羨鳥飛還荒村日落無茅店匹馬天寒走亂山

感沾上舊遊

沾上題襟亦有年不堪燈下讀殘編昔與同人梓有誰能沾上題襟集誰能采得長生藥同住高山流水邊

銅鼓書堂遺稿卷十三

男淳孫樞校刊